

修訂日期: 2009/04/23 發行日期: 2009/5/9  
發行單位: 中華電子佛典協會 (CBETA) <http://www.cbeta.org>  
資料底本: 大正新脩大正藏經 Vol. 20, No. 1195  
原始資料: 蕭鎮國大德提供, 北美某大德提供

## No. 1195

### 大聖文殊師利菩薩讚佛法身禮(并序)

此禮出大乘一切境界智光明莊嚴經

開府儀同三司特進試鴻臚卿肅國公食邑三千戶賜紫贈司空謚大鑑正號大廣智  
大興善寺三藏沙門不空奉 詔譯

皇帝以深仁馭宇。大明燭物。普灑甘露。[泛-之+(友-义+又)]蕩黎元。(不空)

叨沐

聖慈。濫當翻譯。特奉

恩命。令集上都義學沙門良賁等一十六人。於內道場。翻仁王護國般若及大乘蜜  
嚴等經畢。願讚揚次。於至覺冀介福於

聖躬。竊見大聖文殊師利菩薩讚佛法身經。據其梵本有四十一禮。先道所行但唯  
有十禮。於文不備歎德未圓。恐乖聖者懇誠。又闕群生勝利。不空先有所持梵本。並  
皆具足今譯流傳庶裨弘益。其餘懺悔儀軌等並如舊本。此不復云。于時。

大唐永泰元年維夏四月也。經云。

如是我聞。一時佛住王舍城鷲峯山中。與大比丘眾二萬五千人俱。皆是阿羅漢。  
與大菩薩摩訶薩七十二那庾多俱胝。文殊師利菩薩而為上首。爾時文殊師利菩薩。從  
座而起整理衣服。偏袒右肩頂禮佛足。合掌恭敬稱揚如來說伽他曰。

無色無形相	無根無住處
不生不滅故	敬禮無所觀
不去亦不住	不取亦不捨
遠離六入故	敬禮無所觀
不住於諸法	離有離無故
行於平等故	敬禮無所觀
出過於三界	等同於虛空
諸欲不染故	敬禮無所觀
於諸威儀中	去來及睡寤
常在寂靜故	敬禮無所觀
去來悉平等	已住於平等
不壞平等故	敬禮無所觀

入諸無相定  
常在三昧故  
無住無所觀  
慧用常定故  
不住於六根  
常在一相故  
入於無相中  
遠離名色故  
不住於有相  
入相於無中  
無分別思惟  
諸念不起故  
無藏識如空  
遠離三世故  
虛空無中邊  
心同虛空故  
諸佛虛空相  
離諸因果故  
不著於諸法  
遠離於我相  
不住於諸蘊  
遠離顛倒故  
常等於法界  
遠離二邊故  
不住於諸色  
遠離非法故  
證無障礙法  
遠離魔法故  
非有亦非無  
離諸言說故  
摧折我慢懂  
遠離一二故  
身口意無失  
遠離譬喻故

見諸法寂靜  
敬禮無所觀  
於法得自在  
敬禮無所觀  
不著於六境  
敬禮無所觀  
能斷於諸染  
敬禮無所觀  
亦離於諸相  
敬禮無所觀  
心住無所住  
敬禮無所觀  
無染無戲論  
敬禮無所觀  
諸佛心亦然  
敬禮無所觀  
虛空亦無相  
敬禮無所觀  
如水月無取  
敬禮無所觀  
不著於處界  
敬禮無所觀  
我見悉皆斷  
敬禮無所觀  
非取亦非捨  
敬禮無所觀  
通達於諸法  
敬禮無所觀  
有無不可得  
敬禮無所觀  
非一亦非二  
敬禮無所觀  
三業常寂靜  
敬禮無所觀

一切智常住  
遠離諸過故  
微妙無漏念  
等情非情故  
以心無礙故  
不住自他故  
無礙無所觀  
遠離諸心故  
心常無所緣  
平等難量故  
以無所依心  
知諸有情故  
諸法薩婆若  
佛心難測故  
諸法由如幻  
離諸幻法故  
佛常在世間  
不染世間故  
一切智常住  
言說亦空故  
證無分別定  
遊戲神通故  
非一亦非異  
於法不動故  
一念金剛定  
證無影像故  
於諸三世法  
不動涅槃故  
涅槃常不動  
通達方便故  
無相無所有  
不住有無故  
智處悉平等  
自他一相故

應現無功用  
敬禮無所觀  
無限無分別  
敬禮無所觀  
悉知一切心  
敬禮無所觀  
常住無礙法  
敬禮無所觀  
自性不可得  
敬禮無所觀  
悉見諸剎土  
敬禮無所觀  
畢竟無所有  
敬禮無所觀  
如幻不可得  
敬禮無所觀  
而不染世法  
敬禮無所觀  
空性空境界  
敬禮無所觀  
得如幻三昧  
敬禮無所觀  
非近亦非遠  
敬禮無所觀  
剎那成等覺  
敬禮無所觀  
成就諸方便  
敬禮無所觀  
無此岸彼岸  
敬禮無所觀  
無患無戲論  
敬禮無所觀  
寂靜無分別  
敬禮無所觀

一切平等禮 無禮無不禮

一禮遍含識 同歸實相體

爾時世尊讚文殊師利菩薩言。善哉善哉。汝今善說如來功德一切諸法本來清淨。文殊師利假使有人。教化三千大千世界一切有情。成辟支佛。不如有人聞此功德一念信解。即超過彼百千萬倍。如是展轉無能稱讚譬喻校量。具如本經所說。

**大聖文殊師利菩薩讚佛法身禮**